



Llywodraeth Cymru
Welsh Government

Pecyn gwybodaeth i ymgeiswyr

Cyngor Cyllido Addysg Uwch Cymru (CCAUC)

Penodi Aelodau (2)

Dyddiad cau: 10 Ionawr 2020



**The Commissioner for
Public Appointments**

Cyngor Cyllido Addysg Uwch Cymru

Cynnwys

Gwneud cais

Atodiad A: Rôl y Cadeirydd/Aelod

Atodiad B: Rôl a chyfrifoldebau CCAUC

Atodiad C: Y broses ddethol

Cyngor Cyllido Addysg Uwch Cymru

Gwneud cais

Diolch am eich diddordeb mewn dod yn aelod o Gyngor Cyllido Addysg Uwch Cymru (CCAUC). Mae aelodau'n chwarae rhan lawn a gweithredol yn y gwaith o gynorthwyo gweithrediaeth CCAUC i gyflawni ei gyfrifoldebau statudol fel rheoleiddiwr a chyllidwr addysg uwch yng Nghymru. Mae'r Atodiadau amgaeedig yn rhoi manylion am rôl yr aelodau a'r manyleb person, rôl a chyfrifoldebau CCAUC a'r broses ddethol.

I wneud cais, ewch i wefan penodiadau cyhoeddus Llywodraeth Cymru yma <https://cymru-wales.tal.net/vx/lang-cy/mobile-0/appcentre-3/brand-2/xf-17b6a50ee427/candidate/jobboard/vacancy/7/adv/>

I wneud cais am y rôl hon, cliciwch ar y swydd wag ar gyfer penodi aelod a chliciwch ar 'Gwneud Cais' yn y gornel ar waelod yr ochr chwith. Y tro cyntaf i chi wneud cais am swydd, bydd angen i chi lenwi ffurflen gofrestru ar gyfer system ymgeisio ar-lein Llywodraeth Cymru. Dim ond unwaith y bydd angen i chi gofrestru, a byddwch yn gallu cadw'r wybodaeth ddiweddaraf am gynnydd eich cais, ac unrhyw geisiadau eraill a wnewch, drwy eich cyfrif cofrestredig.

Ar ôl i chi gofrestru, byddwch yn gallu cael mynediad at y ffurflen gais. I wneud cais, bydd angen i chi lanlwytho datganiad personol a CV i'r adran 'Rhesymau dros ymgeisio' ar y ffurflen gais ar-lein.

Datganiad Personol

Y datganiad personol yw eich cyfle i ddangos sut rydych yn bodloni pob un o'r meini prawf a nodir yn y manyleb person. Chi sydd i ddewis sut i gyflwyno'r wybodaeth hon. Fodd bynnag, dylech geisio darparu enghreifftiau manwl sy'n dangos sut mae eich gwybodaeth a'ch profiad yn cyfateb i bob un o'r meini prawf, ac sy'n disgrifio eich rôl chi wrth sicrhau canlyniad penodol. Bydd hefyd o gymorth i'r panel dethol os gallwch fod yn glir ynghylch pa dystiolaeth benodol sy'n cyfateb i ba feini prawf. Mae darparu paragraffau ar wahân mewn perthynas â phob maen prawf yn arfer cyffredin.

CV

Sicrhewch fod eich CV yn cynnwys manylion cryno am eich swydd bresennol neu ddiweddaraf a'r dyddiadau yr oeddech yn y rôl honno. Nodwch unrhyw benodiadau Gweinidogol blaenorol neu bresennol.

Gwnewch yn siŵr eich bod yn cyfyngu eich datganiad personol a'ch CV i ddwy dudalen yr un. Efallai y bydd eich cais yn cael ei wrthod os byddwch yn mynd dros y terfyn hwn.

Amserlen fras

Dyddiad cau:	10 Ionawr 2020
Rhestr fer:	20-21 Ionawr 2020
Cyfweliadau:	21 Chwefror 2020

Cyngor Cyllido Addysg Uwch Cymru

Datganiad Amrywiaeth

Mae Llywodraeth Cymru o'r farn y dylai cyrff cyhoeddus gael aelodau bwrdd sy'n adlewyrchu cymdeithas Cymru - pobl o bob cefndir - i'w helpu i ddeall anghenion pobl a gwneud gwell penderfyniadau. Dyma pam mae Llywodraeth Cymru yn annog ystod eang ac amrywiol o unigolion i wneud cais am benodiadau i gyrff cyhoeddus. Croesewir yn arbennig geisiadau gan yr holl grwpiau sydd heb gynrychiolaeth ddigonol gan gynnwys menywod, pobl o dan 30 oed, pobl dduon, Asiaidd a lleiafrifoedd ethnig, pobl anabl, pobl lesbiaidd, hoyw, deurywiol a thrawsrywiol.

Cynllun Gwarantu Cyfweiliad - Yn gadarn o blaid pobl anabl

Mae Llywodraeth Cymru yn gweithredu cynllun Yn gadarn o blaid pobl anabl ac yn croesawu ceisiadau gan bobl ag anabledau. Mae'r cynllun yn gwarantu cyfweiliad i bobl anabl os ydynt yn bodloni meini prawf gofynnol y swydd. Mae'r ffurflen gais hefyd yn eich galluogi i roi manylion am unrhyw anghenion neu offer penodol y bydd eu hangen arnoch os cewch eich gwahodd i ddod i gyfweiliad.

Cysylltiadau:

I gael rhagor o wybodaeth am y broses ddethol, cysylltwch â:

Penodiadau Cyhoeddus
Uned Cyrff Cyhoeddus
E-bost: penodiadaucyhoeddus@llyw.cymru

I gael rhagor o wybodaeth am rôl CCAUC a rôl yr Aelodau cysylltwch â Colette Eley yn nhîm noddi Llywodraeth Cymru:

Ffôn: 03000 250523
E-bost: colette.eley@llyw.cymru

neu Dale Hall, Ysgrifennydd Cyngor CCAUC:

Ffôn: 029 2085 9665
E-bost: dale.hall@hefcw.ac.uk

Os oes angen rhagor o gymorth arnoch i wneud cais am y swydd hon, cysylltwch â:
penodiadaucyhoeddus@llyw.cymru.

I gael rhagor o wybodaeth am Benodiadau Cyhoeddus yng Nghymru, ewch i www.llyw.cymru/penodiadau-cyhoeddus

Penodi Aelod o CCAUC

Disgrifiad o'r rôl a manyleb person

Rôl a chyfrifoldebau

Mae Deddf Addysg Bellach ac Uwch 1992 yn darparu bod rhaid i'r Cyngor gael rhwng 8 a 12 o aelodau, gan gynnwys y Cadeirydd a'r Prif Swyddog Gweithredol.

Rydym yn gobeithio penodi tri aelod i lenwi'r swyddi gwag presennol a'r rhai sydd i ddod.

Fel aelod o'r Cyngor, bydd disgwyl i chi:

- weithio'n agos gyda'r Cadeirydd a'r Prif Weithredwr i roi cyngor ac anogaeth i CCAUC wrth iddo gyflawni ei gyfrifoldebau statudol ac wrth gychwyn, datblygu a gweithredu polisi;
- nodi a gwerthuso risgiau ac opsiynau a datblygu strategaethau i'w rheoli a'u lliniaru;
- meddu ar yr hyder i herio rhagdybiaethau mewn ffordd gadarn ond adeiladol;
- mynychu cyfarfodydd y cyngor a chyfrannu, a bod yn rhan o benderfyniadau allweddol yn ymwneud â strategaeth y Cyngor;
- rhoi cyngor awdurdodol ac amserol i Lywodraeth Cymru rhwng cyfarfodydd;
- cadeirio, neu fod yn aelod o, bwyllgorau'r Cyngor, yn ôl yr angen;
- arddel, a chael eich gweld i fod yn arddel, y safonau uchaf o ran uniondeb a didueddrwydd;
- ennyn parch at waith y Cyngor; a
- gallu delio'n hyderus â Llywodraeth Cymru, ei swyddogion a'i Gweinidogion, a'r sector Addysg Uwch yng Nghymru.

Manyleb Person

Er mwyn cael eich ystyried, **rhaid** ichi allu dangos bod gennych y rhinweddau, y sgiliau a'r profiad i fodloni'r holl feini prawf hanfodol:

Meini Prawf Hanfodol

- y gallu i weithredu'n effeithiol ar lefel bwrdd;
- gwybodaeth a dealltwriaeth o addysg uwch a'r sector addysg a hyfforddiant ôl-orfodol (AHO) ehangach;
- ymwybyddiaeth o'r heriau sy'n wynebu addysg uwch yng nghyd-destun y DU a'r cyd-destun rhyngwladol;
- empathi tuag at fyfyrwyr, eu profiad a'u cyfleoedd mewn bywyd;
- y gallu i herio'r meddylfryd presennol a bod yn gyfathrebwr effeithiol a darbwyllol;

Cyngor Cyllido Addysg Uwch Cymru

- y gallu i wrando, dadansoddi a chwestiynu cynigion strategol a data ar berfformiad, a gweithio fel rhan o dîm gyda nod cyffredin;
- dealltwriaeth glir o gydraddoldeb ac amrywiaeth ac ymrwymiad i'w sicrhau; a
- dealltwriaeth o bwysigrwydd safonau uchel mewn bywyd cyhoeddus.

Yn ogystal â'r fanyleb person uchod, i gwrdd â bylchau sgiliau cyfredol, rydym yn arbennig o awyddus i annog ceisiadau gan unigolion sy'n gallu dangos profiad cyfredol neu ddiweddar mewn un neu fwy o'r meysydd canlynol:

- y sector ôl-orfodol ehangach, dysgu a hyfforddiant seiliedig ar waith a phrofiad o weithio ar draws sectorau;
- cefndir ymchwil cryf a/neu brofiad o weithio gyda Chynghorau Ymchwil;
- cyflogwr mewn busnes seiliedig ar wybodaeth neu sgiliau a/neu brofiad o recriwtio a/neu gyflogi graddedigion.

Ni fydd ymgeisydd llwyddiannus a fu gynt yn gweithio i un o'r sefydliadau addysg uwch yng Nghymru neu sy'n gweithio i un ar hyn o bryd yn cynrychioli buddiannau'r sefydliad hwnnw tra ar y Cyngor, ond bydd disgwyl iddo gymryd golwg ddiuedd a chyfannol ar yr heriau sy'n wynebu'r sector AU Cymru yn ei gyfanrwydd. Os yw popeth arall yn gyfartal, rhoddir ffafriaeth i ymgeiswyr nad ydynt yn cael eu cyflogi ar hyn o bryd gan un o sefydliadau addysg uwch Cymru.

Er mwyn cael eich ystyried, rhaid i chi allu dangos bod gennych y rhinweddau, y sgiliau a'r profiad i fodloni'r holl feini prawf hanfodol ar gyfer penodi.

Y Gymraeg

Mae'r gallu i gyfathrebu yn Gymraeg yn ddymunol, ond nid yw'n hanfodol.

Cyngor Cyllido Addysg Uwch Cymru

Ffeithiau allweddol am y swydd

Lleoliad:	Cynhelir y cyfarfodydd fel arfer yn swyddfeydd CCAUC ym Medwas, Caerffili, er y byddant yn cael eu cynnal mewn lleoliadau eraill ledled Cymru o bryd i'w gilydd.
Ymrwymiad amser:	Tua 1.5 diwrnod y mis. Cynhelir o leiaf chwe chyfarfod Cyngor bob blwyddyn.
Deiliadaeth swydd:	Penodiad cychwynnol o dair blynedd y gellir ei adnewyddadwy am dymor pellach yn dibynnu ar yr angen a pherfformiad
Tâl:	£5,076 y flwyddyn ynghyd â chostau teithio a threuliau eraill rhesymol.

Mae Llywodraeth Cymru wrthi'n datblygu ei chynlluniau, gan gynnwys deddfwriaeth newydd, i sefydlu Comisiwn newydd ar gyfer Addysg Drydyddol ac Ymchwil yng Nghymru. Bydd y Comisiwn yn gyfrifol am reoleiddio ac ariannu'r holl sector addysg a hyfforddiant ôl-16 yng Nghymru. Mae'r Cyngor yn ymwneud yn agos â'r broses sy'n cyflawni swyddogaeth ganolog wrth helpu i lywio a phrofi cynigion wrth iddynt fynd yn eu blaenau. Ar hyn o bryd, rhagwelir y bydd y Comisiwn newydd yn weithredol o Ebrill 2023.

Cymhwysedd

Dylai'r ymgeiswyr fod yn bobl sy'n ymddwyn bob amser mewn modd a fydd yn ennyn hyder y cyhoedd.

Dylai ymgeiswyr nodi bod bod yn aelod o CCAUC sy'n derbyn tâl yn golygu na fyddant yn gymwys ar gyfer aelodaeth o Dŷ'r Cyffredin o dan Ddeddf Anghymhwysio Tŷ'r Cyffredin 1975, Atodlen 1, Rhan III a Chynulliad Cenedlaethol Cymru o dan Orchymyn Cynulliad Cenedlaethol Cymru (Anghymhwysio) 2015 <http://www.legislation.gov.uk/cy/uksi/2015/1536/contents/made>.

Gwrthdaro Buddiannau

Bydd gofyn i chi ddatgan unrhyw fuddiannau preifat a allai wrthdaro, neu y gellid ystyried eu bod yn gwrthdaro, â rôl a chyfrifoldebau aelod o CCAUC, gan gynnwys unrhyw fuddiannau busnes a swyddi ag awdurdod y tu allan i'r rôl yn CCAUC.

Bydd unrhyw wrthdaro buddiannau yn cael eu trafod yn y cyfweiliad. Os cewch eich penodi, bydd yn ofynnol i chi hefyd ddatgan y buddiannau hyn ar gofrestr sydd ar gael i'r cyhoedd.

Cyngor Cyllido Addysg Uwch Cymru

Safonau mewn bywyd cyhoeddus

Bydd disgwyl i chi arddangos ymddygiad corfforaethol a phersonol o safon uchel. Gofynnir i bob ymgeisydd llwyddiannus danysgrifio i'r Cod Ymddygiad ar gyfer Aelodau Bwrdd Cyrff Cyhoeddus yng Nghymru, a gallwch weld y ddogfen hon yn:

<https://www.gov.uk/government/publications/code-of-conduct-for-board-members-of-public-bodies>.

Rôl a chyfrifoldebau CCAUC

Cefndir

Mae Cyngor Cyllido Addysg Uwch Cymru (CCAUC) yn gorff a noddir gan Lywodraeth Cymru a sefydlwyd ym mis Mai 1992 o dan Ddeddf Addysg Bellach ac Uwch 1992 ("Deddf 1992").

Dyma'r corff sy'n gyfrifol am reoleiddio addysg uwch yng Nghymru, o dan y pwerau a roddwyd iddo gan Ddeddf Addysg Uwch (Cymru) 2015. Mae hefyd yn gweinyddu cyllid a roddir gan Lywodraeth Cymru i gefnogi addysg, ymchwil a gweithgareddau cysylltiedig mewn naw prifysgol yng Nghymru, gan gynnwys y Brifysgol Agored yng Nghymru ac mae'n darparu arian ar gyfer cyrsiau addysg uwch penodol mewn colegau addysg bellach.

Yn 2019-20, bydd CCAUC yn rheoli cyllideb o fwy na £152 miliwn.

Mae CCAUC hefyd yn ddarostyngedig i Ddeddf Llesiant Cenedlaethau'r Dyfodol 2015.

Mae Adroddiad Blynyddol a Chyfrifon CCAUC ar gyfer 2018-19, ei Strategaeth Gorfforaethol ar gyfer 2017-2020 a chopi o lythyr cylch gwaith y Gweinidog Addysg ar gyfer 2019-20 ar gael ar wefan CCAUC www.hefcw.ac.uk.

Rôl y Cyngor

Mae gan CCAUC ddwy brif dasg ar hyn o bryd:

- rheoleiddio addysg uwch yng Nghymru drwy gymeradwyo a monitro cynlluniau ffioedd a mynediad sefydliadau; asesu ansawdd AU mewn sefydliadau a reoleiddir; a chraffu ar berfformiad AU drwy fframwaith ar gyfer trefnu a rheoli materion ariannol sefydliadau a reoleiddir; a
- dosbarthu cyllid a ddarperir gan Lywodraeth Cymru ar gyfer darparu addysg, cefnogi ymchwil a gweithgareddau cymwys eraill gan ddarparwyr addysg uwch yng Nghymru.

Mae CCAUC hefyd yn rhoi cyngor arbenigol i Lywodraeth Cymru a'r sector. Prif Weithredwr CCAUC yw'r Swyddog Cyfrifyddu dynodedig, sydd â chyfrifoldeb penodol yn ymwneud â'r defnydd o arian cyhoeddus a roddir gan Lywodraeth Cymru.

Mae Strategaeth Gorfforaethol CCAUC 2017-20 yn nodi'r blaenoriaethau y bydd CCAUC yn eu hystyried wrth geisio gweithredu ei weledigaeth ar gyfer sector addysg uwch sy'n gynaliadwy, yn hygyrch ac yn rhagorol yn rhyngwladol yng Nghymru.

Cyngor Cyllido Addysg Uwch Cymru

Cenhadaeth CCAUC yw:

- Ariannu addysg uwch yng Nghymru
- Rheoleiddio darparwyr addysg uwch yng Nghymru
- Dylanwadu ar addysg uwch gyda chyngor seiliedig ar dystiolaeth a phartneriaeth gref
- Gweithio mewn partneriaeth â myfyrwyr
- Gweithredu'n effeithiol fel sefydliad.

Y broses ddethol

Bydd y panel asesu ymgynghorol yn asesu CVs a datganiadau personol ymgeiswyr i benderfynu pwy sy'n bodloni'r meini prawf ar gyfer y rôl orau yn eu barn nhw, a phwy fydd yn cael eu gwahodd i gyfweiliad. Bydd y panel yn dibynnu'n llwyr ar y wybodaeth y byddwch yn ei rhoi yn eich CV a'ch datganiad er mwyn asesu a oes gennych y sgiliau a'r profiad sydd eu hangen. Gwnewch yn siŵr eich bod yn darparu tystiolaeth i gefnogi sut rydych yn bodloni'r holl feini prawf hanfodol.

Caiff y panel dethol ei gadeirio gan Huw Morris, Cyfarwyddwr, Sgiliau, Addysg Uwch A Dysgu Gydol Oes, Llywodraeth Cymru a bydd hefyd yn cynnwys David Allen, Cadeirydd, CCAUC, Louise Casella, Cyfarwyddwr, Y Brifysgol Agored yng Nghymru ac Ian Price, Cyfarwyddwr Cymru, CBI Cymru.

Gall eich cais gyrraedd "rhestr hir", yn dibynnu ar nifer y ceisiadau a ddaw i law, cyn iddo gael ei drosglwyddo i'r panel llunio rhestr fer ei ystyried. Dylech fod yn ymwybodol na fydd pob aelod o'r panel yn ystyried eich cais yn llawn yn y sefyllfa hon.

Erbyn diwedd mis Ionawr 2020/dechrau mis Chwefror, rhagwelwn y bydd y panel wedi penderfynu pwy fydd yn cael gwahoddiad i gyfweiliad ddiwedd Chwefror 2020.

Dim ond yr ymgeiswyr cryfaf y mae'r Panel yn teimlo eu bod wedi dangos eu bod yn bodloni orau y meini prawf a nodir yn y manyleb person a fydd yn cael eu dewis ar gyfer cyfweiliad.

Fodd bynnag, os ydych wedi gwneud cais o dan y cynllun gwarantu cyfweiliad a'ch bod yn bodloni meini prawf gofynnol y swydd, byddwch hefyd yn cael eich gwahodd i gyfweiliad.

Os nad yw'r dyddiad a drefnir yn gyfleus i chi, byddwn yn ceisio ei aildrefnu ond efallai na fydd hyn yn bosibl oherwydd cyfyngiadau amser o fewn yr amserlen benodi neu oherwydd nad yw'r panel dethol ar gael.

Byddwch yn derbyn gohebiaeth drwy'r e-bost gan y Ganolfan Geisiadau i roi gwybod i chi a ydych wedi cael eich gwahodd i gael cyfweiliad ai peidio. Ein bwriad yw y bydd y cyfweiliadau'n cael eu cynnal yng Nghaerdydd.

Os cewch eich gwahodd i gyfweiliad, bydd y panel yn eich holi am eich sgiliau a'ch profiad, gan ofyn cwestiynau penodol i asesu a ydych yn bodloni'r meini prawf a nodir ar gyfer y swydd.

Caiff ymgeiswyr y mae'r panel yn credu eu bod yn 'rhaf y gellir eu penodi' eu hargymell i Weinidogion a fydd yn gwneud y penderfyniad terfynol. Gall y Gweinidog ddewis cyfarfod ag ymgeiswyr y gellir eu penodi cyn gwneud penderfyniad. Os yw'n gwneud hynny, bydd yn cyfarfod â'r holl ymgeiswyr ac ym mhresenoldeb cadeirydd y panel neu ei gynrychiolydd enwebedig. Bydd bwlch amser rhwng y cyfweiliad a'r penderfyniad terfynol am y penodiad. Bydd yr ymgeiswyr sydd wedi cael eu cyfweild yn cael gwybod y diweddaraf ar hyd y broses.

Cyngor Cyllido Addysg Uwch Cymru

Os byddwch yn llwyddiannus, byddwch yn derbyn llythyr yn eich penodi fel aelod o CCAUC, a fydd yn cadarnhau ar ba delerau y cynigir y penodiad.

Os byddwch yn aflwyddiannus yn y cyfweiliad, bydd Llywodraeth Cymru yn eich hysbysu. Rydym yn gwerthfawrogi ei bod yn cymryd llawer o amser ac ymdrech i wneud cais am rolau a bod adborth yn rhan werthfawr o'r broses. O ganlyniad, bydd y llythyr yn rhoi manylion pwy y gallech gysylltu â nhw i gael adborth ar eich cyfweiliad a'ch cais, os dymunwch.

Ymholiadau

Os oes gennych ymholiadau am eich cais, cysylltwch â penodiadaucyhoeddus@llyw.cymru.

Os nad ydych yn gwbl fodlon

Bydd Llywodraeth Cymru yn ceisio prosesu'r holl geisiadau cyn gynted â phosibl a thrin pob ymgeisydd yn gwrtais. Os oes gennych unrhyw gwynion am y ffordd yr ymdriniwyd â'ch cais, cysylltwch â penodiadaucyhoeddus@llyw.cymru.